

沈乃文 主編

明別集叢刊 第五輯

第二冊

黃山書社





國家出版基金項目
NATIONAL PUBLICATION FOUNDATION


『十二五』國家重點圖書出版規劃項目
2011—2020年國家古籍整理出版規劃重點項目

沈乃文 主編

明別集叢刊 第五輯

第二冊

黃山書社



(明)畢自嚴 著

石隱園藏稿八卷首一卷

清康熙二十五年畢際有刻本

序

向邑後學高

余邑自明嘉隆以來士大夫彬彬起多致身公若卿間而以厚德名于時者余所睹記則大司農畢公白陽先生蓋其冠冕云然余弱冠時則先生已致政里居余方伏首博士弟子業天下大計茫然如墮雲霧中不能知先生之功在彝常者何等也比余佐部嘗奏事入朝與諸君子偶語廊廡閒偶及計部之難其才大司馬坤安張公曰君同見大司農也向余以子部事公公精敏大司農大司農指兵食款目如親筆書中曰日暮途遠將安歸

送爲更不可及也迨稷山君發篋見貺巨麗之編煌然富有乃得率業焉作而三歎曰古人不朽之事有三先生其庶幾乎夫樹德以立其本經方以達其用大人之事備矣而摘詞虎僕復洋洋而登作者之壇澤于古者如此其宏也匠于心者如此其慧也時方以鈎章棘句樊徐認體爲宗工公夷然不屑爲而暢經術明德誼壽時務曲折如意條達醇懿復多風則此卽令刺藝文之士抱槩而窠挾策以呻矻矻窮年分其一轡尚詭辭乘而詡世人以所未有乃先生終童之年已分大府策勳內外迄于頌白中間于墨客卿之交似無多日矣而謀篇之富乃埒猗頓何邪豈非林下息機服膺一編蕭然宛如素士而公餘退食仍與古人晤對如司馬所云仕優不廢學者蓋隨地而皆然乎夫前代傳人如何李諸君允樹藝林亦幟矣而經國大業未勒王朝卽鼂賈多石畫亦托不律垂之名山爾未見坐而言之起而行之之有成勞則昔人所言此輩束之高閣算子不知顛倒者其詬辱文士固有淺深而欲以間執其口則又憂憂乎其難之也讀先生此集固爲古人一洒之鄭侯劉晏途抽鼂賈之簞照曜文苑此實古來儻事矣而先生聞然自晦留有餘以裕後人者復事事類此宜哉稷山君之嫻于詞而良于政發皇未艾知有以紹前烈而光大之無疑也獨惜余方少年時惜焉不知天下之大計

亦不知名公巨卿雖海內之大亦不可以數遺遂至以桑梓密邇無能孜孜請益聞所未聞而逝者如斯年齒遽及方慨然有志詢往代之經猷攷先民之文獻而已不可復得故老日稀前蹟愈沒百年之間遂邈然如三代漢唐同矣此余讀遺文而追賞旁皇亦黯然慨息不能自釋于中者也然先生篋衍中尚有編輯書種種皆世人未見者侯稷山君政成報最晝錦歸里時嘗勤求壁中藏書而盡讀之先生音微依稀如睹當亦不減耳提爾

又序

石隱園集予于二十年前久有據批之言矣此何以重

石隱園藏稿卷首 高序三

序爲蓋悔予往日之疎也予不佞素無濟世之才故雖或披覽翰墨不過涉獵齊諧夷堅傳奇樂府諸書以爲樂事云耳今年逾七袞有五矣乃始知向來未讀一字蓋古今文字原度世濟世之津梁而士子乃止以娛情縱目了之豈非蒼頡之罪人乎卽令勉一終篇而未能了了作者之意者多矣夫度世濟世此何等書而可以靖節之流覽大意者負之乎蓋士人習氣但艷春華至家丞秋實十未嘗一置念也如宋人之垂名來世者韓范勳名歐蘇文筆並駕千秋矣試向今人之號爲讀書者叩之歐蘇之文成誦者多矣雅圭希文之集藏書之家亦有之而能舉其數語者殊寥寥也夫度世誠未易

論亦並未知濟世之功勝榮世之文倍蓰無算故耳士大夫旣立身廊廟矣苟無濟世之功卽翔步三台或非君子之所樂道也故予雖年在崦嵫猶未敢于自負居諸方欲細讀中庸周易以及往哲濟世之書乃先細讀白陽先生諸疏連日累夜始作而嘆曰甚矣濟世之不可無才而成功之不能違時也然時危則任益重矣慮周則心益苦矣如今之戶部尚書古人亦云計相夫相之名尊矣而計之任重矣周禮地官之職班班可考非能爲無米之炊也三代而後計相二字惟鄭侯足以當之而其時輔弼沛公未有位其上者則言動可以從心然亦未嘗有他技巧不過關中調發軍前不置云耳至

石隱園藏稿卷首 高序四

通年來宰相逸而計相勞矣宰相易而計相更難矣蓋自明初宰相不復兼統六部惟批代王言耳間有不合上旨論令改票則人主自行其意亦自任其責矣若計相則一一身任之言之則未必悉從責之則無可他諉此則任事固難也卽以奏疏名百世者無若陸宣公然以旁觀而代陳其苦則猶易于盡言以身任而言之過切甚或至于獲戾則任事者之盡言亦復難也然使任土無荒瓊林方裕內帑之發如泉惟正之供滿品士飽馬騰此非大臣報國而康時之夙願乎乃先生之時果何如耶以經制之所入者校之而出已缺百萬有奇矣而震鄰之外滇黔煽動于南服左道跳梁于鄒魯旣而

遼瀋失守既而都邑戒嚴調發千端餉支百緒月益而日有加焉額解不前截留難料閭外不得其人故雖增兵而兵不可用卽盈籍隸輸孰爲貔貅雖核餉而餉徒虛糜雖地走金錢究飽雀鼠以三空四盡之時復百孔千瘡之告共事者爲同爲異未必一心柄國者且公且私豈盡憂國呼饑繁于蜩蟬尾閭竭乎溟渤餽饒鄭侯再起輔之以百研桑而千劉晏仰屋之外亦無策也非黠金兩粟將何術以慰庚癸乎乃一則曰問之司農再則曰問之司農當此任者不亦難乎而先生小心翼翼大度恢恢行一策首廣君仁持一籌先軫民瘼故以捉襟露肘之時而收補偏救敗之績六年之中未嘗一告

石隱園藏稿八卷首一卷一畢自嚴

脫巾也雖玉燭不調而金甌無恙然猶不免以貝錦之言悚獄吏之尊矣予所謂任事之苦者難者此也迨先生歸而繼之者非人益不可支三百年之社爲墟矣然後知時事雖艱而賢者終有以自見其長若此然以視鄭侯之得志當朝而焜煌百世者何如耶可爲長息矣余既讀戶部諸疏已津津不能自止乃取諸冊盡讀之知先生非待正席計相而始以道濟蒼生爲已任也雲間條議十則已慮周民瘼以告直指使者劉君代行之矣冀寧大閱十則已綢繆邊防以告直指使者蘓君登封事矣災祲竅議十三則已救桑梓之顛連起金木之厄運亦由賑院達九重矣不止條議然也卽贈孟白之

文而權衡古今校量兵食洞如觀火是固前人所未發此可以應酬華藻之文視之乎吾山左文人向來奔走海內者久以于鱗爲大手而吾邑百年前則儀部張先生吏部王先生大暢宗風雄視藝林屹然矗矗三峯奧至先生則尤以經濟文章衣被海內不亦千秋大業後來居上乎視于鱗峨眉積雪之評文人小技耳何足爲先生道耶先生仲子刺史君嘗請刻諸藁先生云吾之不朽或不在此先生大業之可傳誠不待文字然卽文以論之經緯起伏深入韓蘓之室卽四六儷語于鳴金戛玉之中極流水行雲之致豈徐庾之所能兼乎文之可傳也亦復無疑矣而家庭躬行則雍雍孝友奔世重

石隱園藏稿八卷首一卷一畢自嚴

光焚黃告墓之文云志切冰蘖爲國爲民以求不忝于先德兄弟中倘有武斷鄉曲關說訟事逋公家之賦而歛私室之財者尚其是啟是佑以不隕吾家聲是又以純忠爲大孝者也冲陽公之遇變也先生上疏云願以臣慶典應晉之階及削去考滿加授宮銜贖臣弟罪而復其官以視子由之于子瞻也豈復讓古人哉先生淑世之行如此白首而盡瘁王家未嘗談及出世之學也而紀黃髮翁之觀化也鳴金伐鼓而去視呻吟床第者何如而太夫人之白業則固昭然清泰人矣予嘗謂人非忠臣孝子仁人義士無得妄希仙佛而先生于吳霞城誌中亦云古來大聖賢仙佛只先于日用人倫修持

則先生于出世之學已于門內得其宗矣予所見公卿亦多矣如先生者殆未易再屈指也回憶五十年前余不佞與冲陽先生之伯子孟議君結子女之好登龍布幣時先生之去古稀一年耳而幸侍賓筵樽酒燕笑不知其爲海內達尊也歲月迢迢矣回首龍光如旦暮耳刺史君復紹明家學詩與文皆超超雋永卽石隱集諸跋引伸義蘊足見一斑矣作述淵源有光前緒不亦永隆乎予數日來對先生之集儼然如侍側而警咳伊邇也故不厭繁委而縷縷拈出雖成書具在宛如碎盤後之讀者能自得之予復薄舉其要使披數語而意已豁然予不佞雖不敢附于好德道善之樂而亦以表余之欽慕于無斁也至刺史君重刻家集與先生之刻黃髮翁集畧同蓋不尚聲華者君子之心而克揚前烈者孝子之道也所謂善述不拘治命者乎予祖中丞公所輯刻諸書約數十種自邑城陷後遂不可覓矣數年前予有事濟寧會其地給諫陳君曰此地有中丞公撫浙章奏板數百葉予聞之驚喜具禮贖之以歸吉光片羽幸有此耳然以視刺史君則遠讓多矣糠粃續言不止志予之悔而且以志予愧也

石隱園藏稿卷首 高序七

序

同里後學王士禎撰

從來人才與國運相爲盛衰而其君臣遇合之際則有天焉非人之所能爲也明之盛時名臣大儒相望而起有前代慶曆元祐之風若忠定忠靖忠肅端毅諸公類皆卓犖奇偉以功名始終而劉忠宣韓忠定數君子在弘治則其道大行在正德則氣餒不安其位甚或蹇蹇破帽狼狽以去之數公者其行已立朝非有前後殊異也所遇有幸不幸而國運之盛衰繫之皆天也萬曆中葉門戶之說起君子小人日爲水火之爭雖賢者不免而民生之休戚邊備之修廢國計之盈絀率置弗講其

石隱園藏稿卷首 王序一

有中立不倚燁心力以舉其職若故少保白陽畢公可謂超然流俗之外矣公自外僚四十年間海陟九列不可謂不遇而論公之世讀公乞骸諸章疏遇而不遇何其艱也公筦南計避璫焰移疾歸田里崇禎初再起田間位戶部尚書方是時其君將大有爲公可以行其道而時事日非左支右絀又上方綜覈疑忌以馭大臣宵小得抵巇而伺之公在位六載非惟其道不行也而終得罪以去嗚呼使公遇宣德弘治盛時則爲蹇夏諸公不難乃不幸而卒同于華容洪洞之去國而國運隨之所謂天也此予所爲讀公集而太息流涕也公之文深醇爾雅不屑文士纂組之工庶幾言有物而立其誠者

予不具論而獨論公之世于國運人才盛衰之故深有
感焉後之讀公集者或亦有太息流涕如予者乎

石隱園藏稿卷首 王序

序

外孫唐夢賁撰

世好言房杜姚宋竊以爲難並論也當貞觀時爲房杜
易當開元天寶時爲姚宋則難爲之難故天寶之末無
姚宋則不治爲之易故始終貞觀無房杜亦治此其明
效大驗也後契易而伊周難亦猶是矣吾邑少保畢白
陽先生嘗明崇禎初年由田間徵入爲大司農其時若
臣仰星而跪巾之呼交章日至加以邊騷告裁揭竿時
聞宮中以發帑金爲譁談而行間政邑庸帥辱師委其
罪于司晏曰餉不足之故其辭甚寔後世覽其事者尚
心寒而色戰而況於在其位者哉先生之入也猶曰版

石隱園藏稿卷首 王序

考祖制明目張膽與中外爭之所虧額者幾何所侵冒
者幾何釁甲刃師而藉口于餉者何事缺員曠伍而漏
卮于餉者何官厯厯如印泥畫沙疏朝上而夕報可行
之一一年而累百萬之虧賦以清又行之一年而累百萬
之存庫有餘嘻吾不知使管敬仲執簿姬公持籌此事
便當何如也夫先生之時何時乎牛李蜀洛門戶膠轕
朝棄公忠國乏正是先生嶽嶽正色如嶧陽孤桐百尺
無柯而當寧側席而聽之平臺輪對午夜前席請告之
疏十餘上而慰留有加詞吁何其盛耶其在詩曰訐謖
定命遠猶辰告夫謖不訐者不足以知阨塞之故而謖
宵旰之憂則王言必至于反汗猶不遠者不足以通宮

府之情而極時勢之變則出治止成其補苴今先生之集具在其審慎國是者大約原本經術而申明憲章匡救在目前而非爲目前一時之計元之十事九齡千秋一言而與國事相終始此其所以必傳也至其屯菴二疏直是自成明史屯菴一志蘭臺諸賢可以橐筆而退矣若夫盱衡往事彼樂廣假筆於安仁靈運授詞於穆之者又何足道乎然以先生之遇如此而至以綜覈細故軋已者從而謚桀之事雖大白黜陟盡復乃奉身而退不數年而明社成墟君子俯仰今古未嘗不嘆息于開元天寶之間姚宋之不終用也此豈黻黼太平正笏垂紳之時所可同日而語者乎姑不知其他有如先生在位當壬癸之間國門授甲時必不至登陴給餉迫解嚴而又追還之以至此極也今

石隱園藏稿卷首 唐序二

朝廷纂修開館前史垂成先生自司李方面以至司農應有燕許巨手爲大臣立傳焜煌史成矣按啟禎野乘吳忠節公甘來申救先生一疏所稱賈誼谷永之詞固弈弈與日月爭光也而明紀編年云一自考選之後更核征輸于是行取之典不問撫字則專爲鄭友佷金花一案而言也先生之進退所關於世道安危何如哉先生仲子刺史載積君重梓先集凡詩文疏箋若干卷大約於請告辭官諸疏尤詳以志出處大節如此先生詩文疏牋實不盡於此集也余小子於母族則先生爲諸

外大父行記小子八九歲時當里社報賽之後曾一詣旭陽先生別墅所謂拱王園者則見池館張燈鬚眉對弈賓客數輩意者先生其在焉今歷五十年餘乃得從刺史君讀先生全集如蘓子瞻從相國堯夫見文正全集時而叙之豈不厚幸後之視今與今之視昔正不知何如耳日者

九重下詔徵書以羽翼經傳折衷史冊試以斯集折衷明史其信而有徵可謂故家秘本海內未見之書矣

石隱園藏稿卷首 唐序三

故明太子太保戶部尚書白陽畢公墓碑

益都後學孫廷餘

往年余以侍郎佐計時

王師方下楚蜀煩於征調余以職司憂之每咨議朝列間兵部尚書張公秉貞曰公鄉有真戶部畢公可規隨也又何訪焉昔余嘗以曹郎事公久其端廉精力有夏忠靖郭湯陰所不及惜遭末造處橫流而會不得比烈也非其不幸哉後二十余年罷政里居通州知州畢君際有公仲子也以墓碑請余以不詳公事辭畢君曰公得無以前代事不錄耶恭惟我

世祖皇帝躬秉大誼褒揚忠節以順治九年 特詔錄

畢少保公墓碑

甲申死事諸臣范景文倪元璐等立祠京師贈諡有差於以策勵臣勞不遺異代恩至盛也先君子忠於所事勞於其官視死事諸臣無後先公何疑焉余乃受其狀而次之公諱自嚴字景曾別號白陽淄川人曾祖格祖忠臣皆不仕父木有名諸生間皆贈光祿大夫太子太保戶部尚書以公貴也公年二十舉於鄉又四年中萬曆壬辰進士授松江府推官陞刑部主事丁光祿公艱服除補舊職改工部歷都水郎中簡淮徐叅議丁太夫人艱服除補冀寧晉副使分守河東引疾去官再舉卓異起叅政備兵洮岷以按察使調榆林加右布政使內陞太僕卿以僉都御史防海天津轉戶部侍郎督津餉

尋省津撫兼領之加右都御史移南京掌院轉南戶部尚書再引疾罷崇禎初起戶部尚書加太子太保在位六年致仕卒贈少保公爲推官年最少有廉能名扼於鄉貴人不得與考選僅以部郎量移公不以介意也既居方面遡督薛三才疏請與俱而晉按李若星疏留之力公以副使引疾者蓋難於去就也其在洮岷榆林皆以威信行邊郡而却饋餽以實倉粟核撫賞之蓋額數千金尤其卓卓者也時萬曆之末百度咸弛廷臣以門戶相傾軋巧宦者皆托與援規速化公獨淡泊自如常曰擇官而仕非人臣所敢出也吾盡吾職而已以故歷方面者十三年不得召泰昌新政稍勤乃有太僕之命是時我

畢少保公墓碑

太祖龍興遼海已奄有盛京進逼西河中朝震恐以天津咽喉犄角地設海防巡撫卽以委公公拜命疾行衆心以定而建牙之初部曲草創公請調浙直水兵而造戰艦部議不從再請募二萬人以成軍需五十萬又不從僅許馬價甲仗四萬兩而三部互諉不卽給公曲計補苴置鎮海前後奇兵四營親督試於直沽諸口而葺故墩臺以傳海上烽軍聲以振公至日水師舊伍僅二千及晉餉部則合行營兵得三萬一千人馬千疋戰艦甲仗火攻具稱是蓮妖徐鴻儒之起鄒滕也公簡師會討前鋒至德州而妖黨于志弘起武邑景州告急公急

微行營將董世賢還軍前後夾攻之俘斬四千有奇賊平而保撫之兵始至鴻儒勢孤因獲并職焉而手擒鴻儒者實公行營將來燕禧也諸鎮撫皆受上賞公僅晉右都不言功也初津門之設鎮也李長庚以侍郎督餉遷去公代之而李邦華來填撫無何又遷去乃兼餉撫自公始時天兵再取廣寧邊守僅山海一綫關軍需米豆歲百二十萬草六百萬爲關運而別將駐師皮島歲需二十萬爲鮮運皆倚辦於公既海道期程不可常而鮮運道尤險惡米豆或截漕或召買必預集河干伺便發而運價領於戶部不時給芻草則輕浮不可以舟皆俵買邊縣價重則妨國價輕蠹食則病民愆期則病

畢少保公墓碑

三

軍議者齟齬不一公獨權衡精當每流涕上書以爭之歲甲子闕門呼餉島帥亦告急公以便宜截漕粟十萬濟之廷議莫能難也在事四年權宜樽節所省累億萬而餘銀且五萬米豆二萬餘其精覈如此既位尚書司南計有請歸楚賦疏格於部議再以漕折呼籲乃得請南中賴之其疏略曰國用方匱而借南濟北顧不至屬南可也天啓四年南倉臣委曲圖全實借解南糧之始其時倉粟尚多石直六錢以六錢給北軍則不足給南軍則有餘故以吳越之漕折二十二萬解南京而以江西之南糧三十七萬改北運今南使僅支一年而復以吳越漕折盡起北解轉賑告罄數萬饑軍圍視而起其

禍尚忍言哉公之辨析利害持正昌言皆此類也會魏璫欲賣南京草場公持不可先是公之在津鎮也璫逮廢弁公不爲發及地震陳言以慎內批節恩澤惜人才罷內操四事請已重忤客魏矣至是再三阻之慮擢其害遂引疾歸時莊烈帝在信邸久以名德知公崇禎改元乃詔起公入掌國計按明初九邊止有官軍無主客名其餉有屯政有鹽引有近邊民運而戶部之太倉不與焉自客軍設而客餉增及邊商本色改而屯政盡壞乃發太倉銀以贍邊曰年例萬曆以前僅四十八萬至是蓋三百八十餘萬爲舊餉而開鮮密薊通津新餉又五百二十萬矣其太倉庫銀萬曆初積至一千二百萬

畢少保公墓碑

四

後四方用兵耗費略盡及客魏盜帑藏以結邊帥羣小蠹窟其中而累朝之積掃地無餘天啓六年尚得十一萬有奇比公受事不滿三萬自是左支右絀歲入不敷出者三百萬人主焦然時中夜召公問計公曰國用不足冗員多而吏弊滋也惟核汰一法可以下九邊督鎮詰問士馬之數酌戰守以爲厚薄而改通倉輕賁以歸京倉稽汰西邊撫賞歲省數十萬香蠟芻豆舊以京商採買隸中官公改官買又省十二三而京商無抑配破家之患一日召對平臺首問公及兵尚書天下兵餉數兵尚書惘然不能對公爲奏某某地兵幾何最悉乃自陳所司餉額某某新舊幾何今已發未發各幾何一代

軍實繁如指掌百僚聳聽皆歎服不可及會軍興旁午
中旨日夜嘗數十下公立奏成手中一一中機宜援兵
守兵皆得宿飽朝右倚以安危焉前天啓中尚書郭允
厚請預徵明年遼餉三之一至是復遣京卿守催壓徵
舊餉十之五公疏曰軍興孔亟不得已而催舊餉實於
本年完京邊之五非索於本年之外亦非全徵大糧之
五也遼餉畝加九釐預徵僅科此項若概徵大糧三分
則民病矣請列其目頒天下橫徵者罪之時四方饑旱
羣盜蜂起供億煩難咨怨不可止然而公之意亦足白
於天下矣故事朝審錄重囚吏部尚書定案壬申歲特
召公主之蓋異數也時東林浙黨構既久即所稱中立
者亦別樹氣類爲一部日窺伺爭勝負國計邊防一不
問於是人主益孤無倚思欲復委中涓張羹憲者一日
來總戶工二部入署踞上座掣公肘時撫細微激帝怒
公引罪而已先是溫體仁許錢謙益黨事帝召羣臣切
責不已公慨然曰臣知籌國計盡職守耳不知黨爲何
事蓋公立朝一以公義爲可否嶽立冰凝無所附麗諸
公皆心知其賢以不已助莫爲推援也體仁既入閣專
事文湊內求人主微指與俱上下時軍需益亟更嚴考
成法即循吏以尤異進者核不及額不與也於是吏部
之考選並關戶部而體仁所欲進退者每授意公公不
應乞骸骨奏上屢溫旨慰留再三上辭益切帝度公不

畢少保公墓碑

五

可留顧瞻望乃留中不出蓋公持國計六年所凡京邊
出納酌劑盈絀權衡不失錙銖先是諸軍脫巾無虛歲
而終公在任無聞者故帝不可一日無公而公實病目
增劇於是君臣交難而鄭友立之事起友立者新授御
史也與體仁異體仁患之乃摘其前令青浦闕金花額
臨考補解爲欺謾而公核考成不即發爲黨徇帝怒逮
友立而下公於理南北九卿監寺科道前後九十餘人
連章論救不已得放歸尋以籌餉功予原官致仕銀幣
嘉賚焉崇禎戊寅公考終於里壽七十撫臣以聞贈廕
葬祭如故事公生平無他嗜好得專一思慮於軍國計
案牘旁午神理豁如執簡御繁應機立斷所歷卿貳皆
劇職錢穀浩瀚緒散綵芬皆手自會計老吏退竄而已
所著有石隱園藏稿八卷奏議一百三十六卷已刻行
世選定古文尚友編一百卷藏於家張尙書又言公每
視事畢人吏退散獨扃戶取會計籍目遷除之納夾帶
中大出史籍羣書凡有裨時政者手錄竟日以爲常此
立言之所以富也初公旣以微罪去其繼公者心計不
如操履又異徒悠游養虛好用浮薄口給之人或以書
生奏記一言而合輒引拔要職得領大農金錢督糧市
馬譁張紛拏迄無成效以至於亡天下於是乃思公矣
配胡氏累封一品夫人副室李氏
皇清勅封太孺人以子際有貴也初公艱於嗣孺人以

畢少保公墓碑

六

副室吳氏進遂誕長君際壯公爲撰衍嗣記次卽際有
次際孚皆孺人出也及豕孫盛錫俱廢官未仕而通州
君以文學吏治世其家舊史氏曰莊烈之世求治太急
嘗厲法禁用伺察以起媮窳平臺便殿召對無時未謂
不精勤也然其長僞者徒以大言敗事而文巧者又用
苛察以中人主之意卽一二老成黃髮之臣勤其官守
著有勞績將以圖實效計久遠而卒以苛責疑形困頓
扼塞以去如畢公者豈非遇而不遇者與

銘曰公序鹽筴利安可盡神明昔賢茶法之論上下兩
等去泰去甚計可經常唯中等近點估騰口願先輸繼
聞者色喜若饑得糧使者亟請余不謂減力絀符見公

畢少保公墓碑

七

私俱傷窺便伺急墮我紀綱用絕新議以守舊章某後
公生亦偉 國計論說勞繁鹽筴實最先輸而訟致煩
延議羣公見逼瞑目攘臂某惟守舊得公遺意質之先
民庶幾無罪作爲銘詞以示來世

石隱園藏稿目錄

卷一 詩

賦得薰風入菡萏 夾竹桃 月季花 河東請告歸
塗詠懷 題韓惺庵中丞久視樓 留計移疾獲請詠
懷 送康莊衡少司農擢南大司寇 石隱園懷古
五言 追贊耿侍御年伯 送蘇直指雲浦由三晉移
古詩 節漢澤 有序 壽金陵沈年伯母 南中二老圖詩
序 式穀歌 請室課子歌 戊寅夏日題沁水園
七言 臘夜侍家大人與陳明軒陳荆泉待月清暉亭
古詩 六弟有美才恐其荒於嬉也漫賦相勗 河東請告
歸次黎城阻雨 遊范公泉 遊青雲寺 清明邀諸
兄弟過南村因至橋畔流觴 小疏條陳餉務有感
戴罪蒙恩張華東年兄贈詩答和二首 壽高柳溪封
翁八十 初夏讌集張華東年兄黃山會景園
濮州張侍御在嘉靖中彈劾不避權貴廷杖足跛後
晉符卿致仕歿數十年而子洽西登第具冊索詩因贈
清明偕諸兄弟拉友遊青雲寺 六弟寅新構醉吟
亭 八弟肅西園芍藥 贈曹逸人長庚 丁未清明
後一日偕潘茂昆郡伯登嶧山 壬子晉闈中秋陪蘇
雲浦直指明遠樓玩月 贈別蘇直指 河東請告
賀許繩齋憲副權符卿 王邑侯招同高東溟中丞遊
蒼龍峽卽事 西固道中 階州道中 壬戌長至後

卷二 文一

值萬壽節時齊蜀同月獻俘 癸亥夏五禱海祈風有
應郭贊司以詩投贈倚和 送李懋明中丞擢少司馬
兼歸省親二律 丙寅春祝東寧伯焦太夫人 留計
移疾東歸途次咏懷 丁卯三月望前一日邀于乳先
登冲山分賦 四月朔石隱園小酌用乳先韻 送孫
龍拂太史還朝 題清朝四友圖 送冢宰閔曾泉予
告馳驛旋里二首 送大司空曹葆素予告馳驛還里
二首 送南大司寇沈何山年兄予告歸里 送孫瞻
園兵憲還秦 送江岱宗民部歸新安 輓南銓正郎
王文水 乙亥正月祝張華東年兄七袞 和張華東
年兄淄城夜飲 丙子初度感懷 偕楊張兩年兄登
岱 韓中丞仙洲圖 題四友圖用香山體以上七言詩
惜庭花 屈指歸來日效白體七首 擬遊黃華洞以
大風不果以上五言絕句 贈曹長庚二首 漢壽亭侯墨竹
戲東曹長庚問病 壬子初春有感 于乳先天才
雋逸久別乍晤感喜交集長至有詩倚和二首 壬戌
長至有感時事漫賦二絕用白蘇韻 真如寺春日禪
咏二首 和張華東年翁齋居祈雨韻 途次和張年
翁咏桃花 丁丑夏月和韓邑侯喜雨二絕句 戊寅
正月壽張華東年兄七十三初度兼訂觀海之約以上七言絕句

雲間雅奏序 蘇松武舉鄉試錄後序 山西求生錄
序 刻署印須知序 河東兵畧序 東臯漫錄序
正韻類鈔序 奉常邵先生奏疏序 類選四時絕句
序 遼變會議始末序 度支薄伐奏議序 度支奏
議堂稿序 度支邊餉司奏議序 度支雲南司奏議
序 度支山東司奏議序 戶部題名序 東省勦叛
公疏序 抽簪贅言序 孫興公四書約說序 東臯
續錄序 刻曹長庚詩序 度支恩遇日記序 淄西
畢氏世譜序 賀許繩齋憲副擢符卿序 賀劉母彭
太孺人八十序 賀東庵伯兄七十序 賀左司徒李
孟白擢留都大司寇序 賀津撫李懋明擢少司馬序
賀郭邑侯遷歷城序 賀納言林先生九十序 送
李邑侯上計序 韓長卿邑侯力復條鞭序 賀牛潤
寰姊丈暨長姊夫婦雙壽序 賀從弟淶池舉鄉飲賓
介序
補遺
度支新餉司奏議序 八鎮經制序
卷三 文二
先君黃髮集跋 易僉商爲官買說 改觀海編爲尚
友編說 西征紀略 洮岷考略 三叟同游記 贈
奉直大夫泰州知州廣文竹軒徐公傳 始祖石塘翁
傳 曾祖志儼翁傳 祖善人翁傳 先君黃髮翁傳

卷四 文三

戶部河南司主事銘紳張公墓誌銘 順天府尹霞城
吳公墓誌銘 貴州道監察御史忠門寧公墓誌銘
崑山畢公墓誌銘 儒官震陽畢仲公墓誌銘 中憲
大夫通政使司左通政鈞蒼王公墓誌銘 奉政大夫
吏部文選司郎中秋澄王公行狀 中憲大夫巡撫遼
東等處地方贊理軍務都察院右僉都御史冲陽畢公
行狀 祭王栢峯廉憲年伯文 祭高柳溪封公文
祭劉少溪兵馬文 祭楊冲所座師文 祭王念吾文
祭王立宇中丞文 祭高東溟中丞文 祭劉青岳
相公文 祭寧忠門御史文 先妣五七祝文 遣祭
石隱園藏稿目錄 四
大姪女文 庚申焚黃考妣墓文 壬戌焚黃祖考祖
妣墓文 遣祭先室文

卷五 疏一

奉差中途疏 嵩祝陛辭疏 防海方新疏 到任疏
錢糧不繼疏 金吾遠逮廢弁疏 犄角最重疏
瀛海災傷疏 辭督餉疏 發兵會勦疏 補發津兵
疏 撫津事竣疏 恭謝天恩疏 廉將茹苦疏 朝
鮮情形疏 患病祈休疏 懋賞難承疏 兵餉重任
疏 津庫已匱疏 到任謝恩疏 地震陳言疏 積
病沉劇疏 地震頻仍疏 截漕賈戾疏 辭留憲疏
辭留計疏 到任恭謝疏 請還楚賦疏 請留漕

折疏 懇恩休致疏

卷六 疏二

起大司農初辭疏 中途再辭疏 寧遠兵變待罪疏
遼餉不敷疏 舊餉告匱疏 遼變原因缺餉疏
覆議屯田疏 覆議鹽政疏 清查九邊軍餉疏 清
查遼左軍餉疏 申飭差規疏 遵例自陳疏 辭免
太子少保新銜疏 題報發過邊餉疏 請會議邊餉
疏 題議主客兵餉疏 初次乞休疏 詳陳節欠疏
再乞休致疏 三懇休致疏 祭告社稷復命疏
奏辯求罷疏 題報薊密兵餉疏 四懇休致疏 五
懇休致疏 六懇休致疏 會議邊餉疏 轉餉畫一
疏 七懇休致疏 遼餉出入定額疏
石隱園藏稿目錄 五

卷七 疏三

庫貯將竭疏 欽奉上傳疏 再議收買疏 司計罔
裨疏 再疏投効疏 比例陳情疏 三懇天恩疏
酌議徵解疏 請罪自陳疏 四懇罷斥疏 辭敘資
疏 召對認罪疏 開報軍興錢糧疏 歲籥更新疏
徵臣衰病疏 釐剔十款疏 兵餉日增疏 恒賜
示儆疏 因旱陳言疏 題蠲錢糧疏 衰病難支疏
再懇休致疏 徵臣衰朽疏 衰病不堪疏 國計
不容重誤疏 新餉出入大數疏 舊餉出入大數疏
疾暈陡發疏 積病難痊疏 臣病實深疏 真衰